

泰

雲

堂

集

秦雲堂詩集卷二

金鎖 孫爾準 平叔

摩燕集

入都錄別

此生合應力田科
悔學桑生鐵研磨
弧矢漫言行役始
庭闈其奈別離何
湘江春色舟中盡
燕地浮雲馬上多
人意欲遲舟更疾
春來幾日水增波

永州

指點零陵郡言尋
鉅罇潭古愁飛玉
瑄曉市破晴嵐水
瀾新茶潔羹挑早
笋甘沿流幽絕處
便合結茆庵

過長沙弔賈太傅

賈傅遺居蔓草荒
憐君何事謫茲鄉
秀材本是傾朝右
年少爭

傳自雒陽太息武夫逢絳灌不令文帝比成康臨流照影慚青鬢未敢投書弔碧湘

潭州道中占

圍牀八幅小屏風指點瀟湘畫意工誰信平沙殘照外扁舟權入舊圖中

浮湘

湘浦柳絲短衡陽歸鴈初一爲波上客不見雲間書虹外人沽酒月中船賣魚相逢叩戲父何處醉三閭

衡州

客路逢春霽風光望欲迷江流迎舫勁山翠壓篷低出沒舒鳧戲釣輒謝豹唳繫舟村落遠遙隔夕陽西

渡洞庭湖

稍覺孤雲動不知帆自馳氣吞三楚隘浪蹴九疑卑鶴認回仙
島龍朝柳毅祠岳陽三百里繫纜下春時

岳陽樓

沽酒夕陽邊明霞漲遠天紅浮洞庭水青劃荆門煙詩句馮誰
續樓名自昔傳還思醉吹笛橫度挾飛仙

南陽道中

一鞭曉色走微茫衣上纖纖作嫩涼細雨澹雲南宛路濃陰十
里棗花香

過盧生祠

像設荒祠枕道傍行人指點說黃梁紅塵富貴原泡幻碧海神
仙更渺茫繡轂雕鞍移日晚玉簫錦瑟樂年芳至今爭說繁華
地終古邯鄲是夢鄉

贈黃炳奎

黃郎人誇後來秀姿儀濯濯春月柳讀書已識一過目作賦還
驚八叉手相逢自結雲霞交倒意傾情復何有玉缸香撲青旗
高邀我市樓狂縱酒景文舖醜亦可觀管輅清談不離口他年
蟬冕映更華此日羊車看來久玉山頽倒相扶歸疎鐘已動黃
昏後別去不知秋色深紅香落盡金塘藕明朝銀榜天門開姓
名瑣瑣知誰某男兒立身有本末何物功名堪不朽登高正值
鴻雁來決眚萬里浮雲厚黃金花開何處游黑窰廠上過重九
攜來一斛蒲桃春肯教輕換涼州守

行樂

沙際落日低人影在高樹安知市闌肯廣場削千步旅居苦沈
冥欣逢豁幽趣暝烟催客歸欲去仍回顧尙愛餘霞明遙天下

飛鷺

茶仙外舅監河時開渠得三陶盃一爲役夫所執一完好者歸河督李公奉翰一口微損爲外舅所藏底篆蔡邕字形質古樸開燕出以酌客因賦

永濟河畔檣如麻催提過牖傳金戟軍艘如山兀不動深處劣可通舳艫河隄謁者出行水役夫百萬紛鍬鑿醜渠引水不得達鐵龍沈爪開凜空忽驚寶氣不可掩明月出地生光華執者棄擲若破甑其一完好無纖瑕中郎名字銘厥腹什襲已入高明家此盃脣邊有微損蟾魄偶被浮雲遮繇來人棄我獨取貴比龍勺雞彝奢綠野開堂出侑客引滿傳玩生容嗟卵色天青初過雨麴塵水淥微涵霞孕尹玉質火氣脫胎斑薛蝕水紋斜柴哥官汝未足擬波斯大食奚能加潁陽餞別兩兜爵碧山稱

壽雙銀槎近代流傳入吟詠國初諸老揚詩葩豈如此盤製作
古閱世有似恆河沙想當石經始鐫刻鴻都摹寫馳風車門前
定有問奇客從遊載酒如侯芭祇憐柯笛與焦尾千載不復逢
夔牙物生顯晦信有數賀汝遭際言非誇今晨王賓盡豪儁况
復風日當清嘉慶豐牖外酒船到百壺傳送何煩賒清商小部
試娛客舞態颺落山香花汝若有知定棖觸當筵按拍歌胡笳
是日演文姬歸漢故事悲來酌汝合酩酊詩成作字如栖雅

元夕燕介社堂

傳柑撒荔敞華筵積雪初消月正圓翠舂浮波消夜永金鐙抽
蕊逗春先轉喉乍按吳趨曲垂手還依蜀國絃不惜香泥汗錦
障醉來欲趁鬧蛾顛

古琴引贈朱瑄生

煌

華陽之梓何洋洋緯以會絲盛以囊輕鬆脆滑調清商龍鰓鳧
掌制作巧名曰綠綺傳中郎嗚呼中郎已死誰復問多少枯桐
作香燼

良材入爨聲爆地箏笛琵琶日騰沸君不見廣陵散絕袁孝尼
世隆垂簾抱古意嗚呼柳公雙鑊何足多會當司樂鏗雲和天
風環珮奏大羅

送金青儕

學蓮

還吳

百里琴湖水君家郭外流昔年吟璧月獨問錦帆秋愧乏知雄
識會無訪戴舟飄萍忽相值冠蓋是皇州

雪霽沙堤淨門開古寺春他鄉驚語熟相見卽情親臭味芝蘭
契詩篇日月新慙余久京國衣素染緇塵

幾夜東風大離愁暗柳條兼旬欣結攬千里復迢遙驛路飛車

蓋文星仰斗杓

時借蘭泉司寇

秋深尋五瀉同趁澱湖潮

被放南還別陳虹江

啓文

周介夫

鳴鸞

兩同年兼示顧晴

芬許周生蔡梅礪芳

得歸仍復動離情愁擁驪歌出鳳城贈策偏多同澤友傳車終
愧棄縑生鷺湖白水三年約馬首青山一笑橫知爾索居翻羨
我夜闌蕪燭話郵程

偕耕瑤兄曲江弟蹋月散暑遂至東林禪院

夜暑不能寐呼僮攬裳披開門月當空幽尋託高寄習僻厭平
阡爾足入沮洳蒙叢迷出路喜有流螢至町疃削平場圃畦互
鱗比疏籬引新蔓涼意落深翠沙肥菜甲長露華湛如漬澹香
不可挹濛濛濕芒屨低徊惜清景幽賞成延佇疎磬時一聲不
見烟中寺

相隨馨聲去忽出招提背到門不一叩寄興別有在長溪盪明月簸弄紛光采溪流月不流內景湛相對解衣卧磐隨清涼洗肝肺行露忽已深羅袂滋沆瀣波聲識南祠基址遺勝概往事不可論相與發深暎

喜鄭雨香

緒鴻至

乾星照夜明高齋桃笙角枕無好懷曉起西池愛秋爽故人忽與清風偕故人相逢在春早別我明年秋色老萼香菱紫又今年驚看面目攄懷抱聞君林屋尋舊廬銀房石室仙所都手把鋤犁亦不惡自種橘柚輸官租何意扁舟載行李新從積著參精理拊手真憐劉伯龍心算終輸計研子留君茗粥接深談一甌縱論相驂驪已爲新涼開牖北更招舊雨謂菊才晴芬尋花南舊雨欣同秋雨至便擬留君十日住空煩檐溜洗緇塵却趁樵風

呼客渡送君絮語更踰閭咸陽孔僅非今須天上玉堂待著作
此行且探龍威書

出郭

高城飛鳥下孤亭落照波深沸晚汀水濶蟾邊瀉虛白秋高鶴
背露空青鳴榔三尾紅油舫櫂酒偏提碧玉瓶欲詠滄浪誰屬
和龍峯九疊展圖屏

題王蓬心太守畫

麓臺司農今已仙蓬心太守稱後賢零陵大好山水窟燕寢高
卧羅雲烟晚愛枯毫寫生紙却是江南舊村路九疑雲黑洞庭
深何不歸來畫中住

夜坐寄周生

疎星澹明河露下幽庭空故人在江浦嫋嫋生秋風清商變素

節綠葉疏故叢迴塘映晚涼山石嵌玲瓏坐久自歎息新月窺
簾櫳翹首念所思共此清光中相思不相見登樓望飛鴻飛鴻
夫何極積氣彌空濛太虛本無闕耿耿精誠通明明沉如月窟
不鑿此衷屋梁落孤照恍然接音容徘徊欲歸臥良宵惜匆匆
寒夢不可續數杵高城鐘

病目

閉關兀兀坐繩牀如此晴秋學面牆阿堵羞明花滿室鮫人掩
泣淚霑裳頻煎魚眼薰新水愁向蠅頭檢古方自是清游招物
忌等閑孤負桂華忙

漫說金匱刮膜消間關難得麥芒挑紀昌不耐三年卧范甯徒
貽六物嘲勅斷觥船浮翹蕞生憎藥鼎沸烟燭晚涼最喜生新
雨卧聽秋聲滿敗蕉

奇方損讀掩燈檠紬史休將國語評差喜逢人忘青白久知處
世忌分明冥冥莫送南鴻去眇眇長懷北渚情可有沙隨飛將

在洞庭千里正連營

楚營時有

裴几明牕厭日烘蒲團學佛習觀空輕雲蔽月留飛白隔霧看
花散亂紅空有和詩煩魯直誰能書記倩韓公別來三日煩相
待吳下憑誰問阿蒙

題錢舜舉食餘圖

緯蕭搖霜谿水清玉沙郭索來琴聲一燈紅滴走相集幾輩白
沫旋遭烹妙手流傳玉潭子不獨寫生能寫死數篋知是老饕
餘一背難逃朱酌紫翰墨曾是鷗波師當時八俊皆橫馳歸來
雪水卧秋晚菊天新酒惟其時興到腥風生十指寓意知君有
深旨長安爭重五侯鯖膾馥殘膏都視此

秉燭

碧嶂青溪秉燭游空林猿鶴闕清愁草埋珠履三千客月冷金
釵十二樓酒冽泉香齊迤夜荻花楓葉各爭秋祇餘梵放無今
古巖壑聲聲答響幽

高臺

高天流片月秋色落江潯獨上高臺立蕭然見此心碧雲輕可
卷白露近來深遠渚遺鴻響因之寫玉琴

陰雨積日小露蠟梅已作花矣招客小飲有賦

東風吹幡歲已蘇陰陽迴互訂彫枯稽雲釀寒不成雪葦笠十
日愁沾濡玉繭牕光漾晴色凍雀啣墮簷前株羅浮夢醒落塵
土新妝緜袂明清臚馨口微含似索笑檀心一點將誰輸智瓊
妝額本絕世一抹更愛斜陽塗鳳釵雪纒合小綴蟬鬢翠帶宜

勺鋪金屋深藏未可得銅瓶小插安能摹開尊對客花下酌花
得我飲我不孤品題知爾是寒客千載知已誰堪呼涪翁愛惜
金蓓蕾好句自昔傳京都石湖仙人譜標格芳根移接憐花疎
一品九命亦浪語愛爾清絕寒不癯繁香撲帽惱禪定藥影亂
落明飈酥安排紙帳參橫後醉倒便倩花枝扶

飲秦園送雪帆晴芬之吳門

流泉出峽花辭樹一別相思不相顧與君出處同故鄉鄉山合
并不可常白雲冷落山空久忽喜人歸飛鴈後草堂正對龍峯
開高卷珠簾臨北斗北斗柄幹青春迴新正已破花未開花根
雪消千澗響願作春釀添金罍酒酣大笑冠幘墮小任爲佳大
都可千秋亭上謝公呼戲馬臺前鬢首坐回頭陳跡安可追人
生哀樂中年催巖城鏜火啓魚鑰清夜放月須重來月明更展

林間步迢迢目斷金閨路幾日潮生射貴湖梅花香裏扁舟去

慧麓看梅寄雪帆晴芬

幾日花前倒玉盃扁舟暮角黯相催空山翠羽春無主細雨黃昏我獨來鶴唳飛還尋葛嶺笛聲吹徹落蘇臺定知官閣詩成久悵望江頭驛使迴

社日

潑曉疎疎雨吹寒漠漠花醲錢遺祭肉賽鼓集神雅桑柘分行蔭粉榆自古誇昇平泥游飲野老任權譁

上戊中旬過今年春較遲日長人散後花動燕來時罷繡簾齊卷尋芳棹更移似聞蠶事好難約蹋青期

臥疾不同慧麓之游賦簡諸昆

拾翠誰尋磴路長掩關獨卧靜年芳有時花片敲殘夢盡日春

陰壓女牆鬢，颺輕烟，閑院落，燈飄暮雨，颯迴塘，調符正及文園。
渴一斛新分，潑乳香。

雙河

擢轉雙流，劃一溪孤村，烟景畫中迷。桃花野店，清明近，細雨平。
燕燕子低，燕麥翻，風寒尙帶。鱖魚吹雪，浪初齊，登堂鷄黍，尋前
約共說，龐公去杖藜。

海棠絕句

羅幙重重百寶闌，傾城容易過春寒。曉妝試手矜初見，爲卷湘
簾特地看。

綠章誰與借，輕陰寒暖勻。攬二月深，絕豔人偏甘。寂莫草堂一
樹伴清吟。

此中安穩著書巢，莫使蜂銜并蝶捎。絕勝王家絲步，鄣紅雲十

里護春郊

只論容華已絕塵
惟應荀令解憐春
枉將金屋藏香氣
笑殺癡兒石季倫

遊胥母山放歌示鄭雨香席少白

昔者神禹定九域
以水爲脈相貫通
具區三萬六千頃
東南萬派咸朝宗
拍天洪流一朝落
洗出七十二朵青
夫容其中莫釐縹緲最特出
東西對峙長爭雄
我生夙有出世想
三千弱海愁罡風
豈知蓬島在目睫
片帆百里開鴻濛
靈龜不受老龍制
昂首徑思凌翠峯
翠峯絕頂見萬古
情思遠與天無窮
羲輪西奔月東駕
萬景盡入渟涵中
金庭玉柱仙所憩
采藥正值商山翁
拍肩挹袂有佗僮
共躡倒景驂羣龍
飲我青田核酌我金鈿
鍾進以黃麟脯食以蒲紫茸
五岳真圖佩左右
尺綃翠蜃浮晴空

丹梯石棧互盤曲，金銀臺闕開重重。便疑併得治水訣，夜半偷入靈威宮。靈威宮在何處下，深無底，旁無終。羅浮峨眉達天岳，別宮地肺交相衝。裹糧便欲從此去，旁觀大笑嗟何蒙。九疑雲氣接巫峽，荆棘滿地成沙蟲。巴陵波浪撼坤軸，今縱有路將焉從。何似誅茆紫泉側，蝮虎絕跡無時逢。重來早辦卜鄰約，霜林萬顆秋雲紅。

同雨香葑山觀荷

香翠空濛裏，誰能破曉來。房深隨日斂，莖弱倚風開。雪蕩長如腕，圓箏折作盃。醉看花四壁，盡日未教迴。

一自鷗鴒去，蕭然洲渚空。香魂終不化，幻作此花紅。客思憐餘豔，芳情泣故宮。水禽如解意，飛過太湖東。

湖夜

璧月生滄海清輝萬古同還疑美人化夜夜入吳宮麋鹿叢臺
圮蕞苒響屨空與亡漁唱裏忽斷荻花風

單舸尋西子蒼茫八百秋惟餘一片水終古照閑愁雨過寒綃
幔雲歸結綵樓夢魂知舊事長繞百花洲

明石砭宣撫使秦夫人錦袍歌

玉壘山邊陣雲黑蠶叢化作青蕪國片土天西帶礪存花落猶
流錦江色錦江花落錦袍中連理勾文製絕工中有當年杜鵑
血至今淚印斑斑紅想見英風繡袴褶卷蓬上馬誇輕捷一騎
紅妝閃電過千枝白棹追風急青袍識就值頽陽黃巾掃罷同
秋葉羅施烽火徹宵紅平播誰人第一功開謙正逢燒鵲酒揮
戈恰及試鐙風竹王祠外驚傳箭桑木關前早挂弓轉戰奇勛
有誰紀夫婿同歸亦堪喜幕府應同渭北兵軍聲從此呼娘子

誰道勾奴息郢都雲陽獄舍悲風起可憐夜夜泣孤鸞羅帶有
淚如鉛水戎裝初卷白綈衣巾幘英雄古所稀軍令分明傳擁
誓敵人遙望識雕旗連營鳧藻如衣續專闔蛾眉早賜緋喪亂
年來事堪歎渾河血戰遭家難翟第長叨聖主恩摺疊空箱幾
曾換賸有兒家舊戰袍淚絲筵與殘絲斷可惜鈺鉞企喻歌不
入當時廟堂算廟堂誰督六州兵銅馬全驅入棧行慷慨羞同
邵公死衰衷肯作褚淵生陣迴已斃牙門鑿天盡終憐竹箇坪
坐惜圖成十三隘一時天險付長鯨中原此際多軍壘虎符鵠
印專千里寶劍千金內府裝青泥十郡良家子論功爭上刺閨
書燈聚蠹屯竟如此若輩須眉六尺身棘門兒戲慙應死自嗟
土舍木西州天子恩深寵錫優一疏功邀溫詔答全家祭許太
烝酬前年尚策勤王略馮僕善齡已拜侯誰道中朝泣銅狄獨

留一柱固金甌肯憑玉節扶南杖莫洗高涼洗氏羞籌邊驛外
浮雲改滄海塵生經幾載青塚埋香戰骨銷白楊呼雨愁心碎
惟有傳家一襲衣裹得山河至今在玉匣珠璣好護持愁雲一
片繡迷離祇應喚取鍼神薛刻上平臺舊賜詩

落日

落日空江上雲霞千萬重光開金舍利氣涌玉夫容遠勢趨孤
塢餘霞挂斷松忽驚前路暝谷口殷疎鐘

聽泉

夜遠風泉清冥坐聽逾好出竇初涓涓落峽旋浩浩嗚咽沿迴
磯琮琤入停潦高下想所歷曲折赴昔討頗聞觴濫初漢涌子
夜早晷刻媾地脈呼吸孕大造元精海藏輪仙瀛雲漿擣勿謂
一勺源盜洩萬靈寶欲洒塵海濁不惜恣傾倒至清欲無水況

乃蘋與藻我生託靈壤神液資飲澡何時一蒲團亭脚澄宿抱
金膏蘊明光石室閉翠葆稽生乏仙姿青泥餉還燥

寄暢園夜坐

天風浩浩不可名一著草木成秋聲手攜綠綺寫不得葉葉中
有萬古情我欲高歌答清籟翹首仰看晴宇大翠濤一笠壓諸
峯不使秋星落牆外平生見山凡幾春白雲落落不可親薛荔
縫衣采芝餌此回真作山中人山深不用世人識自有青猿相
主客鐵杖橫拖撞石門明朝徑跨蒼龍脊

山中雜咏

栖幽尋夙約放棹溯靈源鐘磬諸天暝人烟一水昏杖藜沿曲
逕指樹得祇園世外忘酬答新蟾恰到門
絡角銀河轉淒淒夜色闌正宜何允服初試杜欽冠鶴影翻涼

露經聲冒曉寒不知當世意何似戀清歡
前山中古寺高影落牕涼怖鴿盤空外疎鐘出上方曉雲暮畫
法晴翠潑秋光欲問三茅殿教春一宿糧
行藥有佳侶孤亭坐夜涼石多秋得氣桂老月分香淨域欣同
任名言到已忘平生向禽願何日得全償

夜雨

客夢乍驚回撼撼梧桐樹孤館曉寒多前山夜來雨
流泉何處來漉漉鳴幽壑庭院清無人開門桂花落

送章丈嬾芋還武昌

江南草長君東來瀟湘木落君西迴君行來往六千里浮生役
役胡爲哉渺渺芳洲漢陽渡洲邊嬰母西飛去志士何堪挂網
羅才人未許矜遭遇興來換酒鷓鴣裘去尋李白題詩處詩成

自惜醉中身却憶落魄燕山春相逢意氣各傾倒一醉過却罵
花辰明年詔獄生愁雲青天鬱鬱嗟覆盆屈軼誰傳耿育疏風
霜莫雪鄒陽冤傷心螿龍入地府叩額虎豹屯天門玉門關外
荷戈去白頭人老猶從軍謂傳甫昔亭提督迴腸斷盡二升血巫咸何
處招驚魂我時重走長安道太息園扉生草草一面空愁獄吏
尊畢生擬向南冠老我

皇仁聖恩如天詔書赦過蠲前愆楚囚意外得重晤秦謀甦後
真餘年料是心情已磨滅誰知意氣猶騰鷲與君酌酒入燕市
酒酣話舊翻淒然全家蕩盡一身在殘生宵復關悲歡燈青語
歇對嗚咽鴈聲正墮高樓前無端見面卽離別如此相逢實易
得陳琳入楚乍傳書王粲依劉重作客卽今去任不自由千里
秋風一蒲席憐君不得苦死留離心先上滄江舟相期莫跨樓

頭鶴好向江鄉領一州

時將謁選

嬾芋畫握蘭圖留別卽題其後

章子胸中幾雲夢一夜歸心墮青鳳并刀翦落三尺波其間乃
有瀟湘種清風蕭蕭斑竹林猿聲落日空山陰墨花慘澹只數
筆髣髴已得湘纍心湘纍一去成千古空有精靈托遺譜幽香
只合贈離憂芳根那肯移風雨眼前祖帳已迢迢暮雲叢裏孤
帆高大江秋老魚龍冷酒酣慎勿歌離騷

陶石簣印章爲汪秀峯水部作

風輪持大地如桴鼓不息斯文有樞機秉軸資巨擘前明論風
會制科立標格死骨買千金謂是金馬式醯雞舞潛舞求劍舟
屢刻所貴豪儒士斬新見開闢祭酒神宗初春卿被排斥識之
衆人中惟我先宗伯

祭酒爲先宗伯乙酉所得士決其必冠南宮

奎璧懸中天不眩

日五色已丑魁南宮斯言洵不食至今述流派姓字重方冊榮
名自千古浪語托金石卻令螭扁書翻得謝磨泐郎官米顛流
拜石抱奇癖十志過草堂元脚精搜剔愛此一寸玉珍抵徑尺
璧斑斑土花暈豔豔蓉粉赤感物念前微摩挲不忍釋淵源倘
可尋一鐙應未熄

同明叔畊瑤寄暢園看雪

西溪一夜流淅咽溪頭老樹枯枝折晚來兩槩打水行九龍蛻
盡蒼瑤骨名園忽涌金銀臺彈指凌空叫奇絕無邊元氣入淋
漓不盡光明接濛沈天公豈是好事人巧翦銀花豔寒節要令
人世洗汗濁肯爲龍宮吝瓊屑定喜遠蝗入已深獨憐玉馬知
誰掘回飈一卷爭欲舞暮色卽來宵許奪牆陰綠竹一逕低寒
玉珊珊冷相戛歎息中有詩思清烟火腸肥那能說

正月十有二日翟花農留宿就懦居賦贈

已過挑菜峭寒增一棹胥江試打冰人憶梅花思蠟屐天教片
雪阻燒燈盞戩乍喜開醞讌懸榻重煩下緇繩不待招邀新雨
集謂陸甫元同年百壺那厭酒如澠

題花農漢舉贈別圖

我攜玉笛晴川泊浪花吹作梅花落一別金仙十九年白雲何

處尋黃鶴眼明波浪生高堂髣髴樊口排烟檣零陵太守王蓬心

作此畫漢陽別駕騰歸裝別駕風流具高識迴帆畫鼓三搥急

可惜當時未識君不作圖中送行客歸來僦屋吳趨坊綺羅山

水供吟觴卻放孤颿翹塵水要及三月煙花香揚州赴邀余聽雨

蕭齋任頻年踪跡從頭數挂杖曾無鹽筴錢題襟膾有河梁句

酒闌展卷試重尋岸芷汀蘭寄醉吟知君薄宦緣何事竟取千

秋屈宋心

答贈花農

休官須及少年時
羨爾青青兩鬢絲
三楚早辭騎鶴侶
五湖閑趁釣魚師
汝南鹽鐵留新論
茂苑鶯花乞豔詩
聞道漫郎歸去日
權歌都唱使君詞

贈別周生

縞紵江湖十幾年
相逢誰似爾情親
孔融交誼論先世
韓子文章是古人
東觀時方需此客
西湖天許著閑身
著書息壤盈言在
攀桂誅茆好結鄰

何鄴甫自黔入都枉道過訪社日邀秋南韶甫同爲惠麓之游秋南有作依韻賦贈

潞河放溜十年思
南國欣逢潑火時
花爲春寒猶負約
人隨燕

子似相期彥先名士臨江扇安石蒼生別墅棋高卧已爲桑梓
計奇功莫使限羅施

逆苗擾黔中郭甫佐
當事戡定其功爲多

爲陸謹庭

恭

丈題松下清齋圖

松下清齋謹庭所居戶冊也謹庭屬黃小松繪圖久不
成後小松得明胡濶甫畫景物逼似以寄謹庭借償前
諾爲題其尾

阿誰畫此一尺絹五鬣千釵翠凌亂到眼驚有絕世無誰知只
在蘇臺畔臺畔築堂今幾年此畫與堂孰後先人言寫照須對
面豈意畫在堂成前堂中主人我舊識興到登堂容躡屐蒼煙
靜鎖聽事閑窗戶玲瓏照秋碧玉人握麈如張譏坐上詩成苦
邀客齊州司馬黃小松以松爲字抱奇癖尋常筆底湧波濤氣
壓蛟龍收不入解衣磅礴徒眼青巧借前人爲塞白神物自爾

能通靈百年絹素精神存豈借煙煤成縮本疑有風雨爲移根
石牀落子敲瑤席對畫看松兩奇絕脂流肪澤湛金鬻寄取花
香味全別酒酣何物助醉吟一片蒼濤卷秋雪

尋靈隱寺遂至韜光菴

筇輿度市船入門眼初放一逕過略約千步削平曠何來青瑤
峯忽落眉睫上傳聞自靈鷲尚挾飛騰狀世外久寂莫偶遊憩
塵埃自恃清淨身不受物網障安知一墮足欲歸不能廷多生
嘉樹叢葛藤日滋長級高古苔滑欲拾少筇杖磨厓識真容歷
厯莊嚴相後啼聞無聞石竇呀相響亭午鏗華鯨梵放發清唱
旃檀散馥鬻香積敷供養路轉不二門地仄境彌曷倦勞不見
天森夾如立仗日光忽穿漏翠色更浮漾頗疑巾幅閒濃綠已
流浪山僧惜泉脈竹篔引層嶂細漉方琤琮旁潛愈清壯愛此

涓涓流不可瓶，量調符儘輸。瀉始信無盡藏，足疲念休息。招
提卷金帳，出世略酬答。逕坐無禮讓，憑闌遠目濶。俛覽一神旺，
林端海色來。蒸雲氣悽愴，指點濤頭高。尙有沙痕漲，宋家鳳皇
山宮闕。何閑闐綺羅，盛巖游燈火。見湖舫繁華，不可恃轉眴。增
愴恨，何如坐圓蒲。靜裏閱得喪，白業志未脩。夙願愧禽向，夕磬
忽催歸。約期待重訪。

平原

蕭條逆旅，孰相親。驅馬平原，獨問津。黃土依然澆酒地，朱門無
復繡絲人。缺從彈後，知何益。錐向囊中處，已頻日。莫壚頭聊貰
酒醉來，肝膽益輪困。

東昌道中寄憲韓先生

倦飛林鳥亦知還，憔悴荒途鬢欲斑。胡叟祇宜牛背上，石生何

事馬蹄閒家餘參佐東西解人似淮南大小山準擬秋風牽手
語桑陰十畝自閑閑

羊留店謁羊叔子祠

典午基初啓江東鼎未遷元戎誰制闕名德重籌邊儒雅綸巾
並風流緩帶便卧戈秋帳靜開閣曉鈴懸在昔鴻溝劃於今鄂
渚前素書開策略赤壁積風烟列陣儲胥接橫江步艦連攻心
先不戰折臂且高眠決勝知千里奇謀出萬全壺尊通饋贈藥
裹佐飛牋輸絹償溫麥從禽習魯敗誓無煩折箭信早罷鸞弦
暇日賓僚集清游峴首巔江山悲代謝嘯咏儼神仙墮淚猶今
日沈碑自往年成功黃石在遺德翠厓鏘此地留芳躅鍾靈說
大賢隆中尋舊宅渭水問遺筌玉帳懷神檢金環記夙緣承塵
蛛網膏斗拱鼠牙穿報賽憑巫覡春秋闕豆籩停車初晉謁拾

級肅精虔青史銘勛在丹誠讓表傳沂流近堪溯當世仰顏淵

白溝河

割棄燕雲十六州白溝當日是鴻溝盟書一報虜龍塞戰壘誰
增拒馬流但倚金縵成廟略不知花石接邊愁空煩萬里和戎
使攬轡題詩滿驛樓

琉璃河

犖确長橋趁夕暉黃塵十丈撲征衣琉璃鏡匣何時掩不見鴛
鴦作對飛范石湖過琉璃河詩自注云在涿州北三十里極清泚茂林環之多鴛鴦千百為羣

平山堂

小東門外晚晴多新漲虹橋鏡乍磨樓閣百重浮蜃氣楯闕各
自占鷗波花開金帶紅雲市笛轉燈船碧玉歌問訊冶春詩社
在平磯一片長青莎

顧耘畧畫羅漢出山圖爲吳半舫題

靈山億千仞翠水三萬重華嚴樓閣一彈指和訶條國禪瀛中
琉璃雲覆金色地白牛聖出天王宮交光相羅寶絲網五千關
楮浮璇空世尊徧袒敷足坐解說諸品經圓通迦陵仙音轉空
際滿穢飄落天花穠珠眉妙相三十二光澈十界蓮花紅一蓮
花一長者子墮地獅吼鏗華鐘應真五百盛侍衛二十八禮顛
毛童下眎塵世種苦惱得食卽鬪紛螻蝻云何忽有入世想肯
學窻紙鑽黃蜂鬪堂打包作行脚結束餅鉢馳筠籠圖中所大
光明放掌中塔法輪轉鐵金銀銅竹根如意本無意降伏啞虎
馴猛龍水田衣帔忍辱鎧猛鷲中有慈悲容得無冷坐少人識
一花五葉傳南宗廣開甘露濟羣品火宅化作清涼峯我生夙
慕大勝果楞嚴堆案嗟塵封周妻何肉未解脫十六開土安可

逢豈知至人憫諸苦三車大乘來從東顧生何人寫此像規圓
一筆神光融毋乃精誠夢飛越色相曾示西方雄我瞻滿月喜
頂禮祇慙作贊輸坡公東坡有題王霸
如來出山圖贊

還家

我歸指仲夏我行紀春首別家日月長半載已云久到縣聽鄉
語近郭識岡阜薄莫及入門一室曠僮婦喧雜問訊應答不
容口傳聞上都水高隴浸星留十千米一鐘療饑齧桑柳壯夫
轉溝壑填籍況稚耆殘黎更無賴攘攷到鮭非

皇仁溥沾資編戶貸升斗可憐遺痼癘十室不存九生還亦云
幸得喪竟何有秉燭語難竟洗塵出藏酒一酌頽欲眠明蟾炯
疏牖

昔年行役歸我兄病在牀喜聞弟遠還扶坐神傍惶慰詢猶歷

歷語溫心內傷情親機轉昧豈期入膏盲何意三旬中中道折
鴈行呼天百身贖有願不可償今還憶所歷孤姪如兒長未堪
任門戶差能奉烝嘗頗喜新婦賢晨昏慰高堂恐余幼廢學負
此初日光憐尔少孤露督責未忍忙他年尔成立宿草悲已荒
嬉弄墮家聲潛德何由彰克荷匪易言立身慎周防作詩勉小
子痛淚煎中腸

開軒坐東窻清曉理散帙輟業走四方愧此閒暇日芸籤度高
架蠅蛸挂虛室掃除逐端居學程課疏密况逢夏景舒散髮誅
梳櫛永晝無闕門槐蔭滿衡華瓜沃鄭灼心牀穿管窻鄰墳史
究終始春秋佩華實讀詩解箋萃隸事欣數栗庶成一家言窻
徒兩邊驛名山彼何人卓犖工著述臨機斷經義成材有文質
豈如相州寇衰暮愧無術窻越誠吾師盛壯不可失

淨綠照斐几覆檐樹扶疏緬懷帶經者讀罷親荷鋤不耕愧家
食者此代苗畝得地始遂生日把種樹書移竹喜疎直如髮秋
就梳海棠爛宮錦顏色豔茅蘆鼠姑勝疊羅鞋紅一尺餘櫻桃
頗瑣碎飛英繡前除可憐紛滿眼庭掩春風虛借問花主人黃
塵約巾車飄茵墜籜溷辛勤竟何如迴旋歲華去日月不可居
明年學閉關留春伴吾廬

青山如故人小別勞夢想晨駕西郭門訪舊軫先枉林迴恍前
迎天際見眉頰曾雲卷宿雨空翠落朝爽石磴夙所經登頓不
假杖入深嵐漸消運轉溪逾響平生招隱志知費屐幾緇蕙帳
空春風飛夢墮塵埃此山有猿鶴責言在息壤勞薪亟思返抽
簪謝天罔誅茅果得地叢桂日應長

病中雜咏

病設維摩榻孤懷每自捫撥香通雨氣煎藥驗潮痕脈理從醫
問方書借客論關心秋事好淡日不窺園

簾影清如水蕭然獨掩扉
餅花閑自墮梁燕冷將歸
睡醒頻欲枕朝晡屢換衣
靜中移節序消息悟天機

秋影蕭齋滿時聞落葉聲
漸涼蘇肺氣少睡健詩情已
是疎茶蓋長教臥酒鎗
楞嚴任塵掩徒羨學無生

料量秋深淺清遊病未能
廊虛時墮雀窻暖尙飛蠅
獨坐看孤樹閒吟倚瘦藤
尙當北臺上萬里入憑陵

病起

病起睡恆短閑房曉更清
夢輕魚裂枕人靜鳥窺楹
札問勞親友苔藓斷送迎
偶緝書帙坐愛傍小牕明

十二月十四日偕雪坡秋南溯川遊惠山晚歸過南禪寺

殘臘氣候暖朝陽
逐春暄晴光引遊興
汎艇西郭門溪迴背曾
雉橋來指前村入山
聞見靜始悟人世喧
言訪到公石同尋召
侯園苔迳斷碁跡
葉擁蒼雲根行厨羅
食單開窗坐東軒木
落露前山寒翠對酒
尊浮雲變慮流泉漱
清言忽聞鐘梵傳稍
覺林烟昏誰能逼歲
宴洒然醒吟魂緬思
仲長統終當卧邱樊
北陸羲御道頽景動
歸玦寒山暝逾佳回
首不忍別嵐光落船
尾圓蟾在城缺女牆
迭蔽虧權波動明滅
紆途戀光景枉渚拖
重振招提傍城闌叩
關啓扇鏞入門松影
清過院經聲徹塔稜
喧歸雀亦似悲暮節
感物念身世使我肝
肺熱懸知宗鏡堂息
慮持片偈愧尔塵外
人畢生謝羈紲

贈汪小竹卽送其赴粵西

揚州汪郎年十四
早著白袍充貢士
萬言落筆不見收
翻使聲

名滿燕市別君日月如走電七載相思不相見去年聞擢明經

科此日重逢舍人

薛又州

講舍人文壇老斲輪關西戶部

楊峇

今

邢溫彥

和之劉簡

雕龍善持論每把君詩許絕倫蚌珠放出甕湖

月雛鳳喚起蓬山春年如終賈古可比才兼鮑謝今無人金臺

三月春草短渡江八月潮聲滿到家但任思光船懷人且覓高

陽伴興來訪我臨江皋殘荷十里風蕭騷飛雲倒漾漁浦澗秋

色遠映龍峯高古祠醞酒用黃歇三千珠履非人豪不如絕頂

眺湖水雁霄萬里明纖毫放眼狂歌送落日盪胸噴雪翻洪濤

蒼梧連繇接湘渚望中渺尔浮輕舸輕舸明日催君去是我當

時舊行路赤嶽雲開棹影孤黃陵花落鶉聲莫竹枝歌罷九疑

深波面寒烟引輕素君家嚴君坐專城君到越庭聽五綉班春

獮戶獻柳漿稅秋搖女輸花布我昔年華略似君流年一別悲

虛度知君到日定相思
驛樓見我題詩處

贈蕭亦喬

東風吹飛雪九龍蛻蒼鱗
開門瞰天地二月無陽春
忽聞打水聲短棹停湖濶
欣逢故人至倒屣迎清塵
乍見各驚認久別逾情親
十年覲一面節概難具陳
新詩如束筍歷歷蹤跡存
雜誦代問答快如數晨昏
招邀古權集把醖雙眉伸
施離雪才力雄手伏黃麒麟
顧榮勝芬揆國華威鳳騫
秋雲相逢千載士共結一代鄰
君酒如詩才不可斗石論
不醉復何苦惠泉況清醇
君言中歲來多病疏酒尊
良由抱詩癖鉢劇醫與肝物
態摘翹肖道妙縷角根
每當肆遠搜切近遺其身
元氣日鑱削百靈索精魂
七日混沌死安能保真淳
重函高一尺殺青待施斤
古今數作者見傳知幾人
陳思愧敬禮桓譚重揚雲
信知斯言達未敢定

子文當代有知已識曲誰聽真巖巖皖公城方伯古重臣待君
下懸榻凌晨開戟門君家壽春邑百戰留雄屯頗聞潢池中盜
弄波濤翻魚書下符契惶盛驚鷹奔君行佐幕府買犢催耕耘
調律贊元化沍陰駁朝暉江皋美陽澤萬象回春溫

仲春喜蕭亦喬劉丹海至招同胡雪坡秦秋南顧晴芬侯
健六王溯川遊唐園薛園

步履招要共討春蓋簪千里得嘉賓山川似到藍田縣襴袖真
看白社人賦就郊居推沈約記來車蓋擬王筠誅茹好關臨江
宅結伴它年把釣綸

相邀園叟過鄰家萸片橫通略約斜近社客愁催燕子餘寒春
意在梅花沈寔難覓中山酒鄉里羞乘下澤車多謝上方鐘梵
地又煩仙子餉胡麻

晚望

麥隴浮新綠桃蹊宛舊紅山寒初斂雨雲濕不隨風在野安時
命當春驗化工物情知未息遠渚有征鴻

題魏松濤

攀龍

春耕餽餉圖

冀缺昔耨野婦饋如奉烝道逢白季薦一命爲晉卿伯鸞有隱
侶椎髻橫釵荆耦耕霸陵山食案齊眉擊通塞道固殊垂世同
典型夫君耕且讀釋耒時橫經早歲已通籍賢路蜚英聲百里
羈駿足小鮮試初烹遺德至今在名與西江清大吏下傳符役
夫如踐更腰笏自引纜失時慮殃氓餓隸鬻虎焚索窮囊膺
車前五色棒立使權豪懲郵亭趣駕去稜厲孰敢撻豈知訟庭
下蒲鞭謝笞榜計簿上循績名姓注

御屏自書下下考官拙不中程忽然挂冠去夙向懷淵明東皋

夜雨過布種催倉庚公田有餘利春酒足秫杭煮葵餉力作風
味亦足矜同心得偕隱豈待縣上旌但憂起劉矩未許終躬耕

題毛漸遠刻印譜

周官司關掌璽節同文辭命汁象胥變分六體屬秦代模印屈
曲惟繆書自從隸楷習簡易雜禮盡味王融圖照水常愁看蝌
斗蝨簡豈解箋蟲魚臨淄銅和汲冢策有目不辨空睢盱毛生
漸遠癖嗜古識字真思過揚許袖中一寸昆吾力鐵類如毫畫
花乳行閒俯強盤蛟螭腕下憑陵雜風雨直垂蝱尾摹玉筋細
蟠鬣髮嵌朱縷奇字時參祖癸金籀文徧索周宣鼓生年三十
不出門筆法何因到岫嶼頗疑夜夢探靈墟玉牒金繩授神禹
近來學作斗檢封便欲突過宣和譜宣和有印譜四卷我聞漢儀拜
擇日成翻沙鎔範撥蠟清軍候部曲始急就刀鋒箭鏃紛縱橫

紐形不一各方寸無大殊絕差銖衡李唐趙宋變古法大小椅
減垂朱文齋居戶册及調語官私錯雜爵與名楊克王厚顏叔
姜章競搜輯下迨吾行趙昂爭題評龍虎龜紐惟所好車渠犀
角玳瑁晶煮石山農出新意割雲古洞收清瑩南都學博興入
市兩筐斲盡鐙光阮當時片石重瑚璉何註梁秋斂手不敢爭
櫟下流傳印人傳派別一一區畦町邇來古歛汪水部飛鴻爪
雪光熒熒自夸藏奔一萬紐所恨瓦礫參連城前年邀我作詩
句身後散落如飛星近者何人稱籍甚排比安詳少剛勁毛生
毛生余何爲使刀如筆筆力正古人生面驚重開爵里詳巖系
名姓千秋精爽如可呼虹光夜向猩紅近我生好古百不追脫
手鑄鈐乞投贈捉刀倘許擬崔曹廁坐何妨陪馬鄭

題陸甫元

沉

同年登岱圖

我行岱宗麓五過大小東前年始紆策一謁曰觀峯遠眺滄海
日近挹天門松是時草木未生葉疑從太古窺鴻蒙秦皇漢武
久寂莫鼎龍去後無遺弓登高覽化感身世烏底下數南飛鴻
邇來有語不敢吐氣壓崑崙橫心胸平原舍人過江彥早歲謁
帝蓬萊宮要從絕頂見胸次鹿躡直上憑空風祠壇老鶴曉飛
去吟詩句響摩璇穹作圖特與傳好事九點盡括煙溟濛知君
豈有向禽願行滕借取仙人笱時平正議封禪禮

封
翠華東幸迴六龍竹宮清晨祠太一第七車上從雍容袖中如
椽五色筆金繩玉檢追前蹤沒字碑高待君補一洗萬古莓苔

雨

薄暮雷聲殷空庭雨勢垂驟蒸花忽綻疎點竹先知水閣懸燈

早晴簷下溜遲已欣宵睡美況及插秧時

題王用康種樹開渠圖

昔聞管仲父樹木喻樹人計獲雖有殊旣植理則均謝家誇寶
樹庭階羅衆珍此何預人事愛護如蘭蓀君族過江秀羣從翔
鳳麟世澤記喬木百年按芳鄰種禾自得粟種棘豈乏薪蘭槐
漸之滄常恐移其根三復勸學篇勿愧蘭陵荀
勤學如濬渠九仞不厭深一朝逢其原方至無涯濶天光任游
泳雲影憑涵沈靜契濠濮想遠愜滄浪吟川上悟微歎清暉澹
盈襟澡水能潔身澡學乃沃心千載得脩綆百文資剩斟豈如
絕潢港灌河藉秋霖無本一朝涸貽笑牛蹄涔

西村

落日西村路清溪一棹歸鵬馴時傍葉燕熟屢撞衣映樹鋪棋

局垂楊拂釣磯端居足幽事吾欲欸柴扉

雨夜過蘇州

雲暗宵臺樹扁舟振柁過江暄秋雨濶客夢夜寒多未忘平生志難爲勞者歌孤鏡照蕭瑟青鬢恐蹉跎

泊松江

海城霽晚角聲稀獨卸征帆傍曲碕湖落魚龍驕有氣秋高鴻雁倦還飛思吳羈宦尋張翰入洛才華弔陸機何事徒聞羊酪對計應尊膾未全非

澱湖

扁舟落澱湖夜色涵萬象汗漫迷所之沿流傍菰蔣船頭孤坐久露氣侵鶴鬣秋高海雲捲月白寒潮廣頓忘行役憂清景愜心賞

山塘

烟霽山塘路停橈望欲迷
過橋新月上側扇莫霞低
珠箔龍涎散箏船雁齒齊
徒聞歌水調誰弔夜鳥啼

晚泊山塘

遙隄平蘸綠楊烟新月輕霞
晚食前一水笙歌聲似沸
不知中有讀書船

新秋招魏松濤陳嘯岑

復初家抱雲

曠泰

遊惠山小飲吟

風閣松濤嘯岑有作賦答

一雁報新秋曉山青入樓
拏舟尋夙約攜客作清遊
路熟經行慣巖深樂事幽
古龕松牘蛻招隱桂潛蚪
品水人旋杳書堂蹟尚留
蘚痕沾屨襪香氣潤衣襟
蠅眼生徐鉉龍團泛越甌
南烹尋舊味中聖試新篇
登閣衿全豁鈎簾暑乍收
風流前輩在行

誼古人求遺澤留章貢談經化魯鄒夜從張范論才自紀羣羞
實學推君舉吾宗得仲謀匡時應有策從政早知優蠟展朝纔
洗詩簡昨已投洞心開窺窵入手重琳瑯才擅三蒼富腸因七
椀搜句清秋氣合思潤露香浮律偶詞妍雅長篇力更邁西崑
傳學派東野笑詩囚已識楊劉在終慙籍湜儔呻吟逢屬疾廢
和滯行郵水落蹕紋淨霜酣幄彩稠何當重載酒吟眺及新瘳

小飲

涼意落蕭巷平林曉未宜詩成新雁過秋到舊山青筠竹遊情
健締衣客思醒摘蔬供小飲寒蝶繞荒町

晴芬舊藏其從祖子方先生墨竹一卷歲久失去屬同人
作歌紀之

當代畫竹知幾人願君後出獨軼倫但驚墨妙無古昔豈意筆

格傳先人君之從祖明遺民胸中槎枿森甲兵籜龍怒起寸
耳著紙便挾春雷聲有眼不識眞箇亭有手不乞鷗波靈要知
畫竹不是竹爲借此君鳴不平一竿雙餅未許易流傳賴有清
門孫我時見之必再拜雅義一挂謏勵存何期前夜風雨急破
憲忽作脩蛇奔錦驛玉匣厭凡涎定有精爽纏霜根一朝化去
豈豪效拚殉烈骨同灰塵君不見所翁蘭草挂空裏又不見逸
齋水仙排玉葉同將清節寫畸懷已荷

琅題入

天甌

先皇惠澤被九幽

恩詔搜揚許從祀君今侍從列清班一幃方當貢
天子投戈特赦魯陽愚封管休憐墨胎死

褒忠已荷降黃麻餘技何煩耀青史昔我曾過涇之陽惜秋遺
頌壽艸堂叢篁如束古屋圯碎綠野日寒荒袖挈遺詩背人
讀葉葉語颯飛雲涼淋浪血淚不敢灑便恐著處成斑黃語君
得喪何足道釵股丁頭莫輕掃青青但保歲寒心到眼秋風見
遺稿

題張械齋合浦還珠圖

南籠太守秋風客萬里歸來雙鬢雪酒闌欵話憶當年話到情
深淚沾臆當年剖竹蘭草道蠻女竹枝歌懊惱羊偏筵前儂袖
圍淨婉腰支最嬌小攜來猶記望如仙消得初明十萬錢已似
朝雲隨玉局直教通德伴伶立識郎姓氏通情素張星曉傍銀
灣渡誰道秋風浪生六州此錯真難鑄髭鬚自寫柏舟詩願
函忽有鳩媒訴護花使者效春回鴛鴦牒下煩重注紺幘肩輿

急昇還黃堂紅燭擁如山卷簾見客逡巡拜太史詩成手自刪
破鏡重圓悲昨夢簫聲吹出雙飛鳳記憐慘綠識黃裳似隔繡
帷呼小宋駛管催酣秋復春舞衫招蝶鬢留雲無愁但解眉長
畫有恨何期手重分

詔行絕域一萬里荷戈去去誰能止望斷江邊一片雲眼穿淚
落連珠子盤江寫影最分明瀨女何妨拚一死夫君作吏比江
清雲開日轉須臾事玉門但有賜環年錦機且織迴文字從此
飄零賸一身同時邢尹各離羣倩桃泣露空留樹弱柳隨風已
作萍河南別駕夫君戚羶車北發沙隄直蓬鬢真成蘇幕遮愁
眉更作拋家飾奈室憂懷邢可平可憐誰築女懷清石闕口銜
千萬恨車輪腸轉輓轡聲采桑不上銅駝陌黃鵠歌成情脈脈
古井波瀾誓不生耿耿此心孤月白守宮冰練常纏臂夜深解

向南枝繫青陵臺迴鵲烏猜黃塚骨香蟲蟻避馬角窮荒此日
歸清笳吹淚滿征衣篋中金縷裙何在化作秋風蛺蝶飛芙蓉
雙頰難重見但餘卷裏崔徽面然脂自寫斷腸詩九原便當營
齋奠博山一氣紫霞煙寄語蓬萊莫作仙珍重韋皋猶健在玉
簫可有再生緣

仙謁謠爲陸羽生賦

楊花攪夢春雲熱碧落騰騰卷晴雪麻姑曉蹋華首臺東風吹
急僊裙裂愁蛾脫蛹銜春飛五銖金畫鮫絲衣謾堂絲管夜逾
脆藏雅樹暗班雕歸沈火博山燒百末帳裏吹笙香霧結迴身
弄影上甌甌惆悵一生花底活西園平綠蕩遠芳相思淺褪眉
間黃粉霞蜀錦剪雙綬纏頭一曲詩一章爲譜霓裳第三疊研
光小帽歌山香

海岳樓

白帽人何處高樓此尚存
避風樓海鳥蹴浪拜江豚
文藻無雙客招提不二明
平生懷古意軒豁見乾坤

自潤州渡江至揚州

京口曾聞出濁醪
篷窗一酌興偏豪
風生旗角千帆動
溜折江心一綫高
天塹長教圍鐵甕
地形終古盛錢刀
關前且避鹽艍
過百戲橫陳樹羽翹

曉立湖上

殘月初沈接曙光
青荷漠漠暗吹香
橫波隔斷橋西路
濃綠如山壓曉涼

廢園

萬綠圍空榭披尋日幾回
先秋涼思集獨立客懷哀
鳥掠斜陽

去蟬驚驟雨來抽簪記孤躑題字破莓苔

七夕

瓜果纔收玉漏沈好風良夜正吹襟秋含初月雲華淨花隱雙
星院落深夜榭明姿偏照眼鍼樓暗約極關心情懷客裏無聊
甚自掩雲屏夢短衾

出郭

金風浪卷白蘋新一棹沿流獨問津出郭幾枝秋照水迴舟四
面月窺人歌邊自酒司助淚年少曾傷洗馬神絲竹何能便陶
寫近來哀樂太頻仍

張文恪公壽芝五葉圖令孫葵廬屬枝太守屬題

不是商山四皓貽齋房五色產靈奇分來紫極瑤光瑞贏得青
宮玉契詩三獨坐高欽祖德二千石重識孫枝披圖猶似螭頭

立想像清嚴鶴髮姿

解組還田狎白鷗清門盛事出詒謀卽看杖國推耆德似爲懸
車續舊遊歸棹詩篇題漫叟傳家恭謹儼恬侯采香堂裏仙根
在煜煜騰光照九秋

晚別送者

酒盡莫江頭楓凋兩岸秋夜涼天墜水人靜月隨舟送者自厓
返客行何日休乾坤莽蕭瑟吾道付滄洲

山中田家

山徑塞愈好石淨芒鞋宜面圍稼初納入門菊未衰紅葉輟屏
障白雲補疎籬近午吹飯香人歸雞鳴時父老二三輩相見情
融怡開軒有尊酒延坐無縉儀僕樸轉斌媚何妨拙言詞義農
覺未遠淳風洵在茲便擬抱黃犢山巔結茆茨

泰雲堂詩集卷二

泰雲堂詩集卷三

金鎖 孫爾準 平叔

芸館集

館課桃笙二十韻

綏山紉柔枝東甌刷修箭佳名欣合并妙製推獨擅條織擘雲
絲紋斜織霞片風漪展欲流霜節藏不見膩粉細吹香浮筠淺
含禱質淨鋪春煙波平卷秋練手滑訝霑溼眼纈驚旬線紗廚
罽方牀簾軸押深院敲詩凹枕欹彈棊隱囊倦未寢神已恬欲
近色先戰冷光宜曼膚涼氣醒酒面淦淦秋思生習習清飈扇
夢境尋花源鑿句詠淇縣農興拋可惜午睡起還慙名自江東
貽賦紀吳都鍊莞莢古注傳蓮苗方言變龍文空委延蛟臺枉
雕絢赤花非法物白蒲詎華選徒然珍異夸輪此卷舒便作詩

追韓門隸事愧徐掾

館課金蓮花

慮虜異礪茁青岑香氣濃分蒼菊林開近諸天先擁蓋布來初
地有遺金燦時應勝廣長舌鑄就真看清淨心一任六時浮漏
刻不隨波面發鯨音

佳名

賜出九重天寶焰移來火宅蓮優鉢一枝原偶現鑿坡雙炬好
同傳香臺恰稱花爲座玉井休誇瀉似船獨得五行中正色浪
憑金粟悟初禪

種得靈根古佛家一莖丈六現曇華檀香吹作曼陀雨蠟蒂攢
成般若花承露銅盤看小揭傾陽葵蓋擬低斜勝遊莫僅歸珠
苑好向金天頌裏誇

苦熱

斜陽赭高垣火雲晚尤悍僦居苦湫隘終日恆褻袒伏納代
興入夜勢未坦桃笙汗如瀦流體不可盥無寐每十起誰云夏
宵短卷簾望明河正對蟾魄滿那信金波寒欲敵火鏡煖空庭
蒸溽濕地氣亦憤懣雲頭西南來羃空撒方縵漠漠未四周庚
庚已中斷乍喜絲點急旋覺餘響緩月光漏雲外晴雨兩不管
自從五月來京輔歎脩曠

九重塵民瘼

齋宮駐雲罕

郊壇屢告虔燔瘞肆圭瓚頗聞江南水禾耳生穠稗佇見變陰
陽南北均潦旱鄉心偶卽遂乘漲約歸伴一舸弄秋聲吟魂濯
冰盃

夏日偕又洲玉章申耆祁生雍度保緒竹素山茨家菊才
兄同遊尺五莊

枳籬幾尺隔塵寰濃綠參天湧似山花影糾紛落詩句鄉心蕭
瑟動江關荷嫌沼陜猶思闢竹礙風疏可待刪酒債尋常正須
有日斜霑醉未能還

送戩宜兄赴山海關

九街火繖光崢嶸千門亭午無車聲兄來別我向何處急裝欲
作盧龍行此行胡乃太刺促曷不少緩過三庚兄言行止豈在
我泛若桃梗隨流橫男兒三十不稱意便合投筆歸躬耕胡為
索米久京國一囊恥與侏儒爭老親頭白缺供膳敢辭負米長
孤征望門投止似張儉歧路飄風悲子荆更憐郝生慣堅臥入
幘尙自羞逢迎盧龍去都近千里馬行不及十日程平安有書

賴爾報索居稍慰心縣旌兄才早歲已挺出五色賦就千人驚
是年我亦濫同舉頗聞嘖嘖誇弟兄豈知後來竟垂翅五上累
罷春官卿我今一官始袍繫無屋聊借僧廬清鮎魚上竿人所
笑古語浪說登蓬瀛賴兄來踐聽雨約倡和可作埧笳鳴詰朝
忽發不先告顧影已覺形惻惻餞言聊爲出壯語丈夫弧矢期
生平長城窟深滄海闊且看一釣連長鯨

潞河展茶仙外舅墓

溲絕羊曇一束芻西州門外卽山邱烏衣重訪堂何在白馬來
尋我獨愁宿草殯邊嗟寂莫問花卷裏賸風流青蠅只玷生前
壁死後曾看作弔不

偕劉袖海昆季過寶通寺

梵唄依然隔轍聞石幢高揭遠公墳鳴秋牖響初疑雨障日松

陰更勝雲題句窗邊尋蠶尾緇經階下有鴉羣忽看十五年前

蹟棖觸羊欣白練裙

昔訪余漱亭於此今十五年矣

晚歸西直門作

緩轡歸程挂甲屯

離宮馳道接西門斜陽樹色連村綠似雨蟬聲萬葉喧少鬪山
光先照眼高梁河派舊無源新晴未覺災蒸滅不厭障泥上水
痕

澄懷園過趙謙士

占得平泉舊

賜莊蓬萊一角水中央風從

宮樹陰中過露向池荷葉上香供奉文詞似蘇李侍郎才地壓
班揚直廬清咏消良夜起看銀繩接建章

雨窗卽事

庚伏歸休已屆期
庭槐喜見擢雲枝
未嫌急雨催秋到
但愛清涼與睡宜
紈扇乍拋香篆直
簾鈎半上燭花欹
任看積潦橫街巷
不學香山借馬騎

寄顧晴芬

幽州地右恆早涼
今年溽暑過炎方
火雲入夜猶捧月
誤驚朝日升樹桑
中庭露坐每達旦
近榻撫席徒傍徨
昨宵南風轉西脚
吹夢忽落黔之陽
黔陽迢迢我舊厯
故人後往增迴腸
幾年京國等蛩蟹
出門此度胡悵悵

皇華銜

命導羈矢手擊玉尺裁雲囊
句臚一唱動四海已看威鳳鳴
梧岡人言才大地苦僻多士未足供
揆揚我知

聖主有深意，要使文命敷。蠻荒選才清，祕掄第一斗。筐入部占
文昌文翁化，變印筮習何武樂進。中和章君才於古，豈相讓斯
文。況是職所當，更憐才人古。稀到僅傳太白流，夜郎天留此覆
待君發翰林。先後相頡頏，仙人一謫亦憔悴。敢與乘傳爭暉光，
棘花犵鳥獻歌舞。爭媚彩筆投吟囊，好從荒蕨出光怪。似劔礪
穴收銀黃，昨見南人得鄉信。盡室已上麻陽航，偷兒私君發清
節。朕儼那有珊瑚裝，計程卸馱及此月。腰魚親捧慈明觴，人生
快意有如此。絕勝畫錦夸還鄉，紫薇堂前定相憶。召公遺蹟垂
甘棠，卻怪經時斷音問。坐令僂耳同謗傷，時有傳君死者我今翔步君
舊地，荀令已去留餘香。相逢說君不去口，同除況有鄒植行與
王珙秋風幾日吹，潞水休沐得請浮。歸艤子雲有札儻能寄，天
邊遼雁方南翔。

題家訥夫太守雪城轉饜圖太守時奉諱捧檄以行至丹
達山而歿

雪城無城不可薄古雪作垣冰作郭雪城有城不可登梯雲千
級冰千層西輪紆轡不敢嚮却來轉粟青天上柴殷羣驚太守
行急難臨歧肯辭讓冰高入夜光轉明氣慘當晝雲常昏飛芻
晝夜那敢息青騾踏鐵明馳奔玉柱堂空下深壑失足真成紇
干雀石脈凍折草不萌星火何從出鑽鑿僕夫斧冰持作糜層
冰墮指手不知可憐擁粟一百萬隨行健兒恆苦飢大軍已次
前藏後軍中口食資升斗尋常擊柱各論功却到艱危甘袖手
三軍挾纜聽撫循排空士氣蒸如雲愁陰萬古結不散却從一
語迴陽春丹達山高蔽鼉景南望何曾見鄉井長星一夜隕前
軍健兒雨泣當嚴警墨縑安用革裹尸公忠私孝兩無虧卞公

俠骨本不朽況有冰雪相護持勒銘幾日犁疆穴大帥全軍迴
玉節到此齊看血淚流一夜紅波化銀雪

題錢梅溪八分書後

邵陽酸棗法無存韓蔡癡肥那可論截得華山碑一段始知當
日有孫根

元元立石刻延熹隸定誰傳四代辭聞說鴻都門外路萬車代
寫蔡邕碑

初秋

簾色淒淒澹欲流新涼如水潤衣襟簾垂燈影初搖夜雨歇蟲
聲亂說秋北闕文書催令節西風刀尺動鄉愁殘星斷雁橫遙
塞長笛何人獨倚樓

送別顧雲文

誰能三策借前籌
薪槌初爲捧檄遊
遠樹浮空浩水闊
平沙飛雁可憐都作稻梁謀

贈鄒禮耕

蚊自憐夔拙跳跟蛩還負
厯動相將三閭共任東西廡
百尺懸分上下牀
歸燕辭巢驚逼社
棲鳥選樹怯經霜
今宵料爾應相憶
風雨西窗漏正長

送韓樹屏

鼎晉

侍御還蜀

綠章奏裏譜笙詩
錫類親承

聖主慈枉後一冠
瞻豸采府中
雙柏感烏私
秋催驄馬飛
霜早
峽靜黃牛轉棹遲
翹首計君歸
里日白雲天半是
峨眉

泰雲堂詩集卷三